

Cunghgoz Baudauj Gvangjsih Sinhvwnz Youq Lingzyinz Gawjhengz “Buenx Doxgyaez·Hengz Goeng’ik” Hozdung

中国报道广西新闻“爱相随·公益行”活动在凌云举行

7 nyied 27 hauh, Cunghgoz Baudauj Gvangjsih Sinhvwnz “buenx doxgyaez·hengz goeng’ik” —bangrex Lozyez Yangz Caimingz hozdung youq Lingzyinz Yen Gyahyouz Cin Mbanjyanghlij gawjhengz. Gunghgoz Baudauj Gvangjsih Sinhvwnz、Gvangjsih Yizbau、Gvangjsih Sinhvwnzvangj、Yougyangh Yizbau、Bwzswz Densidaiz、Lingzyinz Densidaiz、Lozyez Densidaiz daengj cunghyangh、gih、si、yen seiq gaep sinhvwnz meizdij camgya baudauj hozdung.

Youq gwnz hoih hozdung, Bwzswz Si gyoengq suhfazgyah youq yienhciengz sij suhfaz, youz boux gunghcoz yinzyenz biugai cih suhfaz gyoengqde. Ngoenzde, gyoengq-boux simgyaez daibyauij dawz 12000 maenz ngaenz biugai 5 fuk suhfaz cozbij ndaej, gyahwnj gyoengqvunz simgyaez gienngaenz caeuq baez hozdung gaxgonq rom ndaej gij ngaenz haenx gungh 60000 maenz soengq daengz ndaw fwngz Yangz Caimingz.

Yangz Caimingz dwg vunz Lozyez Yen Mbanjdenbingz, doxboh de baenz bingh’aiz-cwng, daxmeh ndang nyieg baenzbingh, bi’gvaq, Yangz Caimingz bae Bahmaj daj-goeng, boihseiz deng huxci, deng sieng ga raek, seizneix lij caengz byaij ndaej loh.

(Yangz Duhngcan Vangz Yenzjungz/杨通站 黄元荣)



▲ Youq gwnz hozdung, gyoengq bouxsimevazez haenxiheia fiennaeenz.



▲ Boux gunghcozyinzyenz youq gwnz hozdung yienhciengz biugai cih suhfaz.



▲ Gyoengq suhfazgyah youq yienhciengz sij suhfaz.

Nanzdanh: Bwzguyauz Minzcuz Vwnzva Swnjcienz Haeuj Hagdangz

南丹:白裤瑶民族文化遗产进校园

Nanzdanh Yen yawjnaek swnjcienz caeuq hungzyangz Bwzguyauz minzcuz vwnzva, daj 2008 nienz hwnj, youq Lijhuz Yauzcuz Yangh Vaizlij、Lijhuz、Yauzlij 3 aen siujyoz caeuq Huzlij Cunghyoz hai ban swnjcienz Bwzguyauz minzcuz vwnzva, moix singhiz hwnj song dangz go, son go neiyungz dwg guh buhvaq Bwzguyauz、foux minzcuz、roq nyenz caeuq conzdungj diyyuz hanghmoeg. Buhvaq Bwzguyauz、fouxfaexduzlingz Bwzguyauz youq geij bi gonq couh baenbied ndaej liedhaeuj guekgya gaep feihvuzciz vwnzva yizcanj caeuq gih raeuz feihvuzciz vwnzva yizcanj mingzloeg. (Fuz Lungzgyangz/符龙强)



▲ Boux swnjcienz guh buhvaq Bwzguyauz Hoz Ginhsiu son hagseng dajsiuq.

Lungzlinz: Ndawbiengz Gunghyibinj Gyagoeng Giyez Bi Souhaeuj 8000 Lai Fanh Maenz

隆林:民间工艺品加工企业年产值8000多万元



Vihliux hungzyangz minzcuz conzdungj vwnzva, fazcanj ranghdieg lijyouz ginghci, gaenh bi daeuj, Lungzlinz Gak Cuz Swciyen doenggyaq ceng’aeu ngaenz hanghmoeg、cwngcwz bangrex、hezdiuz yinzhangz ciqngaenz、caizcwng diep leihsik daengj fuengsik, roengz rengz hung bangrex minzcuz ndawbiengz gunghyibinj canjyez, sawj de yiegg gveihmozva、cizyozva、canjyezva fazcanj. Dangqnaj, daengx yienh miz 100 aen gyagoeng giyez gyagoeng buhvaq、nyumxbaengz、dajsiuq daengj ndawbiengz gunghyibinj Myauzcuz、Yizcuz、Gwzlaujcuz、Bouxcuengh、Bouxgun, moix bi guh ndaej gai souhaeuj 8000 lai fanh maenz.

(Moz Caijvah)

Gunghcwngz Makdauz Ndaej Demsou

恭城瑶乡蜜桃丰收

Gaenh bi daeuj, Gunghcwngz Yauzcuz Swciyen haenqrengz diuzcwngj nungzyez dajndaem gezgou, seizneix, aen yienh neix gaenq ndaem miz 20 lai cungj makdauz, bi ok makdauz dabdaengz 5 fanh lai dun, moix bi daj 4 nyied ndawnyieb daengz 7 nyied ndawcib dwg seiz sou mak.

(Lij Cingez)



▲ Bouxyienjheiq ndawbiengz Bwzguyauz son hagseng boq “lahli”.